


# 史血流人華會教子庚

著 馥蓮柴



海上 口漢

行印會書教聖督基國中

No. 405



3937 影小馥蓮柴陽信者輯編

# 庚子教會華人流血史

弁言

庚子拳禍。吾華教會之大紀念也。夫自基督新教入華。迄其時正將百年。先後受洗皈依。而爲信徒者。亦已數萬人。苟核其所遭之時代。所處之境況。則此數雖小。不可謂不衆矣。顧世之胸具成見者。每好吹毛求疵。以爲彼已信主者。皆出於下流社會。彼之所以欲附。教士者。何嘗有高尙之見解。無非爲哺啜計耳。此不惟我華人主言。即在泰西教會中。人亦每藉此爲口實。以反對佈道之計。畫我國信徒。深恥其言。而無以雪也。乃上主於冥冥中。若預爲之謀者。忽於庚子之年。突起拳匪仇教之大禍。憑社會之愚瞶。官司之勢。遂釀流血之大慘劇。而吾教會宗徒。或男或女。或老或少。篤信正道。至死靡屈者。其數千百。無不一一如暗夜之光。燦爛而出矣。當此多數信徒。引領就戮。聖教義之日。其忠信誠毅之氣象。洵足令人感泣。卽境過事遷。而生存者。傳述遺徽。亦無不談之而動容。貌也。風聲所及。世界震悚。始知向日所譏評爲飯徒者。今乃知其大謬。不然而耶穌之風薰陶所及者。果能立懦而廉。頑起廢而振弱。今之人。何不若古之人。而東方之人。又何不若西方。

之人歟。於是吾國信徒之恥。遂得大雪。而教會之景象。爲之驟有轉機。其所呈效果。至十年之後。而猶可食。故曰庚子拳禍者。吾華教會之一大紀念也。夫殉道者。既已衣白袍。頂華冠。榮膺上賞於天庭。原無待後人之贊揚也。而其授命之奇跡。則不可不保。而存之。留以激後人之觀摩。此古來教會史中。所以多述殉道者之事跡也。乃我國教會。經此大變。既已十載。獨未聞有志之士。彙而記之。泐爲成書。以貽來者。此余所深憾也。日者友人柴君蓮馥書來。言已輯庚子教會華人流血史五冊。不日付梓。且索余一言以爲序。聞之不禁拊案大喜。以爲數載所懷之隱願。得君一朝償之。君之書出。其有功於教會者多矣。余雖闇陋。敢不附數言以誌快。因書殉道者之關係如此。若其書之內容。自序已詳。茲故不贅焉。

救主降世一千九百又十年歲次庚戌仲夏之月謝洪賚謹識於廬山之近天然齋

## 自序

我國演習拳棒之術。濫觴於雍正時代。

見雍正五年冬月諭旨錄後

繼起於嘉慶年間。幸其時政府嚴

加防範。當卽撲滅。

見嘉慶十三年及二十二年十二月廿九日上諭錄後

不期光緒二十五年冬。山東肥城縣。忽出拳

匪殺害英教士卜克斯君一案。上命魯撫袁世凱。擒獲匪首孟洗汶。吳方城。斬決寢事。然

究其禍始。實緣毓賢撫山東時。省內有多人學習拳棒。借保衛鄉閭爲名。寢假而與教會

爲仇。迨庚子歲。毓賢調撫山西。而拳匪足跡。始蔓延於直晉之間。卒至釀成慘殺教會。聯

軍入京。兩宮西走。成爲二十世紀初年中國之大怪現象。雖逾年和議成。兩宮還京。政府

再建。而喪師賠款。元氣大傷。因亦起全球強國輕視之漸。若非我國教會中人。守死善道。

爲天下爭一線光明。大事當更不堪問矣。猶憶是年予避難親戚家中。亂事警傳。一夕數

驚。竊歎暗無天日。亂定後。予亦因此而加信道之感。旋奔走北數省。來往各教會。獲讀英

教士季理斐君。所譯庚子教會受難記一書。見其中歷述中西教會人士死難之慘。抱道

之堅。痛不釋懷者久之。旣而讀序文中曰。此書西人受難之事。比他事較詳。至華教友受

難之事。因未得實在情形。無憑細載等語。因欲續貂者又久之。丁未歲。

即光緒三十三年十月

經吾


友高君翰卿薦至上海中國聖教會襄理報務。乘間以徵求庚子華教友殉難事實。商於西董范約翰華董徐維繪兩先生。欣蒙贊成許可。未幾即得山東韓君竹坡。北京文君榮泰。楊君國相。山西張君子中。李君茂堂。高君榮堂。忻州奇村人爲英牧趙君子陶。諸同志。函任採訪之助。年餘積稿盈篋。又延吾友魏君秀實。昆仲詳加校訂。秀實爲光州文學家。因閱稿受感而爲上海長老會教友。定名曰庚子教會華人流血史。共分五冊。一曰（國朝拳匪紀實）。紀拳匪之伎倆也。二曰（山東之難）。紀拳匪之起點也。三曰（順直之難）。紀拳匪之繼點也。四曰（山西之難）。紀拳匪之極點也。五曰（他省之難）。紀拳匪之終點也。其西牧殉難事實。經季君譯載者。概不贅及。用符此次著書宗旨。現將華教友殉難事跡。已訪出者先爲付梓。其未訪出者。仍望我教會人士。熱心採輯。以表彰死節諸君之潛德。並以作教會他日之信史焉。此予之所厚望也。是爲序。

宣統二年歲次庚戌初夏河南信陽優附貢生柴立節蓮馥甫識於上海之寓齋



3776 像肖生先給維徐會書教聖督基國中海上前

上海中國聖教會創始人美國范約翰先生住宅



印編輯庚子教會華人流血史處

3809



庚子教會華人流血史

總目

弁言

自序

拳匪紀實

第一册

山東之難

第二册

順直之難

第三册  
上下卷

山西之難

第四册

他省之難

第五册

國朝拳匪紀實目錄

拳匪之源流

拳匪之命名

山東之拳匪

順直之拳匪

山西之拳匪

他省之拳匪

拳亂之結果

山東之難目錄

▲魯省拳亂之小說 白話

第一回 匪警

第二回 焚樓

第三回 保堂

第四回 遇劫

第五回 索難

▲武定府殉道血史

▲樂陵縣魏家倉教會流血記

順直之難上冊目錄

郭英庚子遇難記 白話

序言

- 第一段 論拳匪初起和夢中預兆
- 第二段 論北京赴會和路上光景
- 第三段 論守破城教會和送眷回家的情形
- 第四段 論由韓庄逃難和到安達石的情形
- 第五段 論在口北往返四次的情形
- 第六段 論韓庄教友和回家的情形
- 第七段 論奔赴灤州和天津的情形
- 第八段 論離了灤州回遷安的情形
- 第九段 論再由灤州到遷安的情形

順直之難下冊目錄

紀北京慕貞書院女生遇匪之難

劉亞拿女士紀遵化州遇匪之難

鄭殿芳冒險赴天津求救始末記

吳奶奶在遷安縣流血紀略

慕貞書院長朱太太公正憐愛之一斑

徐惠芳女士流血紀略

周王氏自述受難紀略

秦楊氏自述受難紀略

陳賽孛自述受難紀略

劉文蘭女士流血紀略

陳大鏞牧師行狀

王誠培牧師行狀

北通州公理會流血紀

山海關德祥遇難紀略

石門寨循環會遇難紀略

附爲道流血人名表

# 山西之難目錄

太原拳亂之小說白話

繁峙縣華教友流血序言

附繁峙縣華教友流血列傳

忻州英浸禮會流血紀

奇村鎮教會遇難紀

崞縣教會遇難紀

代州教友遇難序言

應州內地會流血紀

附應州亂後學友人名表

附豐鎮府華教友流血列傳

附陽高縣華教友流血列傳

附大同府華教友流血列傳

朔平府瑞典會流血序言

壽陽信徒被難記

壽陽縣北梁村華教友流血紀

李茂堂先生遇難述略

附繁峙縣教友難中之佳話

附忻州華教友流血列傳

定襄縣浸禮會流血紀

附張惠流血小傳

附代州華教友流血姓名表

附應州亂後教友人名表

附豐鎮府宣道會遇難序言

附陽高縣宣道會流血紀

附大同府內地會流血序言

附王庄村胡氏流血人名表

附朔平府華教友流血列傳

他省之難目錄

吉林趙子岡先生遇難述略

河南光州內地會遇難述略

羅英臣冒險送西教士赴漢紀事

河南汝甯府信陽州路得會庚子紀事

浙江諸暨教堂被毀記

# 庚子教會華人流血史 第一冊

白花山人續輯

## 國朝拳匪紀實

### 一 拳匪之源流

雍正五年十一月。世宗憲皇帝諭內閣曰。向來常有演習拳棒之人。自號教師。召誘徒衆。鼓惑愚民。此等多係游手好閒。不務本業之流。而強悍少年。從之學習。廢弛營生之道。羣居終日。尙氣角勝。以致賭博。酗酒。打降之類。往往由此而起。甚且有以行教爲名。勾引盜竊。擾累地方者。若言民間學習拳棒。可以防身禦侮。不知人果謹遵國法。爲善良。尙廉恥。則盜賊之風盡息。而鬪訟之累漸消。又何需拳棒以防身乎。若使實有膂力。勇健過人。何不學習弓馬。或就武科考試。或投營伍食糧。爲國家効力。以圖榮身上進。豈可私行教習。誘惑小民耶。着各省督撫。轉飭地方官。將拳棒一事。嚴行禁止。如有仍前自號教師。及投師學習者。卽行拏究。欽此。按義和團之原可稽考者實始於此

乾隆三十六年。有河南商邱縣人鄧生文。因傳習拳棒。凡入其教者。皆稱爲南方離宮頭殿真人鄧老爺門下。未幾犯案正法。



嘉慶十三年。江南之穎毫徐三屬。河南之歸屬。山東之曹沂二屬等處。復有不法棍徒。煽其餘波。橫行鄉曲。經給事中周廷森據情入告。旋奉上諭。給事中周廷森。請嚴懲聚衆一摺。據稱近日江南之穎州府亳州徐州府。河南之歸德府。山東之曹州府沂州府兗州府。一帶地方。多有無賴棍徒。拽刀聚衆。設立順刀會。虎尾鞭。義和拳。八卦教。名目橫行鄉曲。欺壓良善。其滋事之由。先由賭博而起。遇會場市集。公然搭設長棚。押寶聚賭。勾通胥吏。爲之耳目。請飭下三省督撫認真踴緝。清查保甲。密訪爲首棍徒姓名。聚賭械鬪之案。拿獲。盡法懲治。並責成地方官。嚴定黜陟等語。江南安徽河南山東毗連各州縣。既有此等匪徒。自應嚴行懲辦。以靖閭閻。不可養癰貽患。至清查保甲。雖屬緝匪良法。但地方官寄耳目於里胥保正。設里保之中。皆其黨類。仍不肯據實舉報。總在府縣各官。平日留心體訪。隨案查拿。將首犯嚴辦。使脅從者知懼。不敢隨同爲匪。自不致釀成巨案。株累多人。若吏胥等。以在官人役。敢於通同包庇。尤應密拿重辦。別除積蠹。着交江南安徽河南山東各督撫。認真查辦。所有穎毫等處各府州縣。遴選廉明幹練之員。取其才堪治劇。而又能寬猛得宜。通曉事體者。責令隨時整頓。如此內有舊係簡僻缺分。而地方今昔情形不同。